

הפטרה לפסח - יום שני

ספר מלכים ב, פרק כג

א וישלח המלך ויאספו אליו כל־זקני יהודה וירושלם: ב ויעל המלך
בית־יהוה וכל־איש יהודה וכל־ישבי ירושלם אתו והכהנים והנביאים
וכל־העם למקטן ועד־גדול ויקרא באזניהם את־כל־דברי ספר הברית
הנמצא בבית יהוה: ג ויעמד המלך על־העמוד ויכרת את־הברית | לפני
יהוה ללכת אחר יהוה ולשמור מצוותיו ואת־עדותיו ואת־חקתיו בכל־לב
ובכל־נפש להקים את־דברי הברית הזאת הכתבים על־הספר הזה
ויעמד כל־העם בברית: ד ויצו המלך את־חלקיהו הכהן הגדול
ואת־כהני המשנה ואת־שמרי הסף להוציא מהיכל יהוה את כל־הכלים
העשויים לבעל ולאשרה ולכל צבא השמים וישרכס מחוץ לירושלם
בשדמות קדרון ונשא את־עפרם בית־אל: ה והשבית את־הכמרים אשר
נתנו מלכי יהודה ויקטר בבמות בערי יהודה ומסבי ירושלם
ואת־המקטרים לבעל לשמש ולירח ולמזלות ולכל צבא השמים: ו ויצא
את־האשרה מבית יהוה מחוץ לירושלם אל־נחל קדרון וישרף אותה
בנחל קדרון וינדק לעפר וישלך את־עפרה על־קבר בני העם: ז ויתץ
את־בתי הקדשים אשר בבית יהוה אשר הנשים ארגות שם בתים
לאשרה: ח ויבא את־כל־הכהנים מערי יהודה ויטמא את־הבמות אשר
קטרו־שמה הכהנים מגבע עד־באר שבע ונתץ את־במות השערים
אשר־פתח שער יהושע שר־העיר אשר־על־שמאול איש בשער העיר:
ט אך לא יעלו כהני הבמות אל־מזבח יהוה בירושלם כי אם־אכלו מצות

בְּתוֹךְ אַחֵיהֶם:

כֹּא וַיֵּצֵא הַמֶּלֶךְ אֶת־כָּל־הָעַם לְאֹמֹר עֲשׂוּ פִסֹּחַ לַיהוָה אֱלֹהֵיכֶם כַּכְּתוּב עַל
סֵפֶר הַבְּרִית הַזֶּה: כִּב כִּי לֹא נַעֲשֶׂה כַּפִּסֹּחַ הַזֶּה מִימֵי הַשְּׂפֹטִים אֲשֶׁר
שָׁפֹטוּ אֶת־יִשְׂרָאֵל וְכָל יְמֵי מַלְכֵי יִשְׂרָאֵל וּמַלְכֵי יְהוּדָה: כִּג כִּי אִם־בְּשִׁמְנֵה
עֶשְׂרֵה שָׁנָה לַמֶּלֶךְ יֵאֱשִׁיחוּ נַעֲשֶׂה הַפִּסֹּחַ הַזֶּה לַיהוָה בִּירוּשָׁלַם: כֹּד וְגַם
אֶת־הָאֲבוֹת וְאֶת־הַיְדֻעֲנִים וְאֶת־הַתְּרַפִּים וְאֶת־הַגְּלָלִים וְאֶת־כָּל־הַשְּׂקָצִים
אֲשֶׁר נִרְאוּ בָאָרֶץ יְהוּדָה וּבִירוּשָׁלַם בָּעַר יֵאֱשִׁיחוּ לְמַעַן הִקִּים אֶת־דְּבָרֵי
הַתּוֹרָה הַכְּתוּבִים עַל־הַסֵּפֶר אֲשֶׁר מָצָא חֶלְקִיָּהוּ הַכֹּהֵן בֵּית יְהוָה:
כֹּה וְכִמְהוּ לֹא־הָיָה לְפָנָיו מֶלֶךְ אֲשֶׁר־שָׁב אֶל־יְהוָה בְּכָל־לְבָבוֹ וּבְכָל־נַפְשׁוֹ
וּבְכָל־מַאֲדוֹ כָּכֹל תּוֹרַת מֹשֶׁה וְאַחֲרָיו לֹא־קָם כָּמֹהוּ: